



STAY SAFE MN

# TSHUAJ RAU COVID-19

## Evusheld

Evusheld yog ib hom tshuaj ntawm txoj kev kho mob monoclonal antibody therapy siv rau kev cheem ua ntej kom tsis txhob muaj mob (pre-exposure prophylaxis (PrEP)) los ntawm tus kabmob COVID-19. Evusheld pab tiv thaiv kom txhob mob COVID-19 rau cov neeg muaj 12 xyoos rov saud uas muaj ib yam mob nkeeg es ua rau lub cev tsis muaj zog tiv thaiv kabmob.

Hauv tib neeg lub cev qhov kev tiv thaiv kabmob yog los ntawm kev siv cov roj ntsha uas lub cev tsim tawm hu ua antibodies. Antibodies yog ib co plhaus thees (proteins) uas tshwj xeeb. Cov tshuaj monoclonal antibodies no kuj ua hauj lwm ib yam li ntawd thiab tiam sis yog tsim tawm los ntawm cov chav ua tshuaj.

Kev siv cov tshuaj Evusheld monoclonal antibody therapy yog muab txhaj pab tiv thaiv kabmob COVID-19 rau cov neeg uas lub cev tsim cov antibodies tau tsis zoo. Cov tshuaj no yog siv ua ntej ib tug neeg muaj mob, tsis yog tom qab twb mob lawm.

### Tej zaum koj mus muab tau cov tshuaj no yog tias:

- Koj lub cev tsis muaj zog tiv thaiv kabmob vim koj muaj ib yam mob nkeeg twg los sis vim koj noj tej tshuaj uas ua rau lub cev tsis muaj zog tiv thaiv kabmob thiab yeej kaj tau tias koj lub cev yuav tsis muaj zog txaus los tawm tsam kabmob tab txawm koj txhaj koob tshuaj tiv thaiv COVID-19.

#### LOS SIS

- Koj muaj keeb kwm tsis haum koob tshuaj COVID-19 thiab/los sis tsis haum ib yam twg uas tov nyob rau hauv koob tshuaj COVID-19, ces vim li ntawd, tsis tsim nyog koj mus txhaj koob tshuaj tiv thaiv COVID-19.

#### THIAB

- Koj tsis muaj tus kab uas uas rau mob COVID-19 nyob hauv koj lub cev.
- Koj tsis tau mus nyob ze ib tug neeg uas mob COVID-19.

Rau tib neeg feem coob, kev txhaj tshuaj yog yam zoo tshaj plaws yuav tiv thaiv kabmob COVID-19. Tsis txhob siv cov tshuaj Evusheld los txhawm rau kev txhaj tshuaj rau cov tib neeg uas tsim nyog mus txhaj tshuaj tiv thaiv COVID-19. Koj yuav tsum tos yam tsawg li 2 lub lim tiam tom qab txhaj koob tshuaj COVID-19 tag mam li siv tau cov tshuaj Evusheld.

**Tshuaj COVID-19 feem ntau yog muab dawb xwb, tiam sis tej zaum kuj muaj lwm yam nuj nqi thiab. Yog koj muaj insurance, koj yuav tsum muab qhia thaum koj mus nqa cov tshuaj. Yog koj tsis muaj insurance, nug rau tus kws kho mob los sis tus kws muab tshuaj seb puas muaj nuj nqi dab tsi.**

Mus saib [Cov Tshuaj Rau COVID-19 \(www.health.state.mn.us/diseases/coronavirus/meds.html\)](http://www.health.state.mn.us/diseases/coronavirus/meds.html), los sis tham nrog koj tus kws kho mob los yog lwm tus neeg saib xyuas mob nkeeg seb koj siv puas tau cov tshuaj no thiab pab nrhiav tsev kho mob rau koj.

### Qhia rau koj tus kws kho mob yog tias koj:

- Cev xeeb menyuam los sis npaj yuav muaj menyuam
- Muab niam mis rau mos ab noj
- Noj lwm yam tshuaj los yog noj tshuaj txhawb
- Tsis muaj keeb ntshav txaus los sis muaj teeb meem los ntshav
- Muaj tej kev txhaum fab (allergies)
- Muaj ib yam mob nkeeg loj twg, tshwj xeeb yog mob plawv, los sis muaj kev phom sij mob hlab plawv txhaws (heart attack) los sis hlab ntsha paj hlwb txhaws (stroke)

Yog xav paub ntxiv, hu xov tooj tau rau COVID-19 Public Hotline ntawm 833-431-2053, pib 9 a.m. mus rau 7 p.m. Monday txog Friday, los sis thaum 10 a.m. mus rau 6 p.m. Saturdays.

